



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Broj: 6425 /20

Datum: 29.05.2020. godine

Na osnovu člana 69. stav (2) tačka d) i člana 70. stav 1) i 4) Zakona o javnim nabavkama („Službeni glasnik BiH“ br. 39/14), člana 37. Statuta Javnog preduzeća „Grijanje“ d.o.o. Zenica, postupajući po preporuci Komisije za nabavke, Uprava Javnog preduzeća „Grijanje“ d.o.o. Zenica, donosi

ODLUKU **o poništenju postupka javne nabavke**

Poništava se postupak javne nabavke roba-Kuglasti ventili, po konkurentskom zahtjevu za dostavu ponuda, obavještenje o nabavci broj: 1091-7-1-277-3-13/20 od 05.05.2020. godine

Ova Odluka stupa na snagu danom donošenja i objavit će se na web stranici Javnog preduzeća "Grijanje" d.o.o. Zenica.

Obrazloženje

Dana 05.05.2020.godine, Javno preduzeće "Grijanje" d.o.o. Zenica objavilo je na portalu javnih nabavki, obavještenje o nabavci roba-Kuglasti ventili, putem konkurentskog zahtjeva za dostavu ponuda. Procijenjena vrijednost nabavke je do 49.999,00 KM. Rok za predaju ponuda je bio 20.05.2020. godine do 10,30 sati. Dana 20.05.2020. godine u 11,00 sati, Komisija za nabavke izvršila je otvaranje blagovremeno dospjelih ponuda, te konstatovala da su blagovremeno pristigle ponude ponuđača 1. VENTCOMMERCE d.o.o. Sarajevo, ul. Kolodvorska br. 12, 71000 Sarajevo, 2. PAR LUX d.o.o. Donja Lomnica, ul. Duga ulica br.2, 10412 Donja Lomnica Hrvatska, 3. ELCOM d.o.o. Tuzla, ul. M. M. Dizdara – Stupine B-2, 75000 Tuzla, 4. TIPING d.o.o. Zenica, ul. Kamberovića čikma b.b., 72000 Zenica, 5. CMC GROUP d.o.o. Ilijaš, ul. Bosanski put br. 215, 71380 Ilijaš.

Komisija za javne nabavke izvršila je provjeru formalnopravne i tehničke isptavnosti dospjelih ponuda i konstatovala da nijedna ponuda nije prihvatljiva, a sve iz razloga kako slijedi:

Ponuda ponuđača VENTCOMMERCE d.o.o. Sarajevo NIJE PRIHVATLJIVA, iz razloga što ponuđač nije popunio obrazac za cijenu ponude u skladu sa zahtjevima iz tačke 6.4. tenderske dokumentacije ugovornog organa kojom je propisano: "Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. Ponuđač je dužan dati ponudu za sve stavke". Ponuđač u obrascu za cijenu ponude nije popunio rubriku 3. Proizvođač-zemlja prijekla i rubriku 4. Tip, a što je bio obavezan. Izjava o sukladnosti broj HR-130501.2020 od 13.05.2020. godine nije sačinjena na način kako je to tražio ugovorni organ, odnosno nije dostavljen u skladu sa tačkom 6.10. tenderske dokumentacije ugovornog organa kojom je propisano da: "Ponuda se dostavlja na jednom od službenih jezika u BIH, na latiničnom i ćirilničnom pismu. Sva ostala dokumentacija uz ponudu mora biti na jednom od Službenih jezika u BIH.", što u konkretnom slučaju nije učinjeno jer je EU Declaration of conformity sačinjena na engleskom jeziku. Također, Certifikati koji su dostavljeni uz ponudu su na engleskom jeziku.

Ponuda ponuđača PAR LUX d.o.o. Donja Lomnica NIJE PRIHVATLJIVA, iz razloga što ponuđač nije popunio obrazac za ponudu u skladu sa zahtjevima iz tenderske dokumentacije ugovornog organa-ponuda data u euro valuti, obrazac za cijenu ponude nije popunjen u skladu sa zahtjevima iz tačke 6.4. tenderske dokumentacije ugovornog organa kojom je propisano: "Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke, koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. Ponuđač je dužan dati ponudu za sve stavke". Ponuđač u obrascu za cijenu ponude nije popunio rubriku 3. Proizvođač-zemlja prijekla i rubriku 4. Tip, a što je bio obavezan. Ponuđač je ponudu dostavio u EURO valuti, što je u suprotnosti sa tačkom 6.6. tenderske dokumentacije ugovornog organa kojom je propisano da: "Cijena ponude se izražava u konvertibilnim markama (BAM)." Izjava o ispunjenosti uslova iz člana 45. stav (1) tačka a) do d) Zakona o javnim nabavkama BiH ("Službeni glasnik BiH" broj 39/14) i Pismena zjava iz člana 52. Zakona o javnim nabavkama nije ovjerena od strane nadležnog organa. Ponuđač je dostavio Zapisnik sa IZJAVOM O NEKAŽNJAVANJU od 04.05.2020. godine, Certifikate no.4854/4/2019 od 10.10.2019. godine, EC DECLARATION OF CONFORMITY od 10.10.2019. godine, CATALOGUE for liquid media 2019, CERTIFIKATE no. 4910/4/2016-1, Certificate of compliance od 16.01.2018., na engleskom jeziku što je u

suprotnosti sa tačkom 6.1. tenderske dokumentacije ugovornog organa kojom je propisano: "Ponuda se zajedno sa pripadajućom dokumentacijom priprema na jednom od službenih jezika u BiH, na latiničnom ili ćiriličnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije." i tačkom 6.10. tenderske dokumentacije ugovornog organa kojom je propisano da: "Ponuda se dostavlja na jednom od službenih jezika u BiH, na latiničnom i ćiriličnom pismu. Sva ostala dokumentacija uz ponudu mora biti na jednom od Službenih jezika u BiH. Ponuđač nije dostavio Izjavu o usaglašenosti proizvoda prema PED direktivi 2014/68/EU MODUL H1.

Ponuda ponuđača ELKOM d.o.o. Vitez, NIJE PRIHVATLJIVA, iz razloga što ponuđač nije dostavio izjavu o usaglašenosti proizvoda sa direktivom PED 2014/68/EU Modul H1, kako je zahtijevano u tenderskoj dokumentaciji.

Ponuda ponuđača TIPING d.o.o. Zenica, NIJE PRIHVATLJIVA, iz razloga što Izjava koju je ponuđač dostavio na strani 16. ponude nije u skladu sa certifikatima koji su priloženi na strani 23. i 26, a koji se odnose na kvalitet proizvoda usaglašen sa direktivom PED 2014/68/EU Modul H.

Ponuda ponuđača CMC GROUP d.o.o. Ilijaš, NIJE PRIHVATLJIVA, iz razloga što ponuđač nije dostavio izjavu o usaglašenosti proizvoda sa direktivom PED 2014/68/EU Modul H1, kako je zahtijevano u tenderskoj dokumentaciji. Dostavljen je certifikat o usaglašenosti proizvoda prema PED direktivi 2014/68/EU Modul C2.

Shodno naprijed navedenom, Komisija za javne nabavke dala je preporuku ugovornom organu da u smislu člana 69. stav (2) tačka d) Zakona o javnim nabavkama (Službeni glasnik BiH broj: 39/14) donese Odluku o poništenju postupka nabavke roba-Kuglasti ventili, jer nijedna od primljenih ponuda nije prihvatljiva.

Shodno naprijed navedenom, donesena je odluka kao u dispozitivu.

Pouka o pravnom lijeku: Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.

Dostavljeno:

- 1x Ponuđači putem mail adrese
- 1x web stranica ugovornog organa
- 1x Arhiva nabavke



Direktor

Kaknjo Sead, dipl.ing.maš.

